

摘藻堂四庫全書薈要

子部

欽定四庫全書薈要卷一萬一千二百三十一

子部

酉陽雜俎卷十五

唐 段成式 撰

諾臯記下

和州劉錄事者大厯中罷官居和州旁縣食鯪數人尤能食鱠常言鱠味未嘗果腹邑客乃網魚百餘斤會於野亭觀其下筯初食鱠數疊忽似哽咯出一骨珠子大如黑豆乃置於茶甌中以疊覆之食未半怪覆

甌傾側劉舉視之向者骨珠已長數寸如人狀座客  
競觀之隨視而長頃刻長及人遂捽劉因毆流血良  
久各散走一循廳之西一轉廳之左俱及後門相觸  
翕成一人乃劉也神已癡矣半日方能言訪其所以  
皆不省自是惡鱸

馮坦者常有疾醫令浸蛇酒服之初服一瓮子疾減半  
又令家人園中執一蛇投瓮中封閉七日及開蛇躍  
出舉首尺餘出門因失所在其過跡地墳起數寸陸

紹郎中又言嘗記一人浸蛇酒前後殺蛇數十頭一日自臨甕窺酒有物跳出齧其鼻將落視之乃蛇頭骨因瘡毀其鼻如劓焉

有陳朴元和中住崇賢里北街大門外有大槐樹朴常黃昏徙倚窺外見若婦人及狐犬老鳥之類飛入樹中遂伐視之樹三槎一槎空中一槎有獨頭栗一百二十一槎中襁一死兒長尺餘

僧無可言近傳有白將軍者常於曲江洗馬馬忽跳出

驚走前足有物色白如衣帶縈繞數匝遽令解之血流數升白異之遂封紙帖中藏衣箱內一日送客至漉水出示諸客客曰盍以水試之白以鞭築地成竅置蟲於中沃盥其上少頃蟲蠕蠕加長竅中泉湧倏忽自盤若一席有黑氣如香煙徑出簷外衆懼曰必龍也遂急歸未數里風雨總至大震數聲

景公寺前街中舊有巨井俗呼為八角井元和初有公主夏中過見百姓方汲令從婢以銀稜椀就井取水

悞墜枕經月餘出於渭河

東平未用兵有舉人孟不疑客昭義夜至一驛方欲濯  
足有稱淄青張評事者僕從數十孟欲叅謁張被酒  
初不顧孟因退就西間張連呼驛吏索煎餅孟默然  
窺之且怒其傲良久煎餅熟孟見一黑物如猪隨盤  
至燈影而立如此五六返張竟不察孟因恐懼無睡  
張尋大鼾至三更後孟纔交睫忽見一人皂衣與張  
角力久乃相捽入東偏房中拳聲如杵一餉間張被

髮雙袒而出還寢牀上入五更張乃喚僕使張燭巾  
櫛就孟曰某昨醉中都不知秀才同廳因命食談笑  
甚懽時時小聲曰昨夜甚慚長者乞不言也孟但唯  
唯復曰某有程須早發秀才可先也遂摸靴中得金  
一挺授曰薄貺乞密前事孟不敢辭即為前去行數  
日方聽捕殺人賊孟詢諸道路皆曰淄青張評事至  
其驛早發遲明空鞍失所在驛吏返至驛尋索驛西  
閣中有席角發之白骨而已無泊一蠅肉也地上滴

血無餘惟一隻履在旁相傳此驛舊凶竟不知何怪  
舉人祝元膺常言親見孟不疑說每每誠夜食必須  
發祭也祝又言孟素不信釋氏頗能詩其句云白日  
故鄉遠青山佳句中後常持念遊覽不復應舉

劉積中常於京近縣庄居妻病重於一夕劉未眠忽有  
婦人白首長纚三尺自燈影中出謂劉曰夫人病唯  
我能理何不祈我劉素剛咄之姥徐戟手曰勿悔勿  
悔遂滅妻因暴心痛殆將卒劉不得已祝之言已復



出劉揖之坐乃索茶一甌向口如呪狀顧命灌夫人  
茶纔入口痛愈後時時輒出家人亦不之懼經年復  
謂劉曰我有女子及笄煩主人求一佳壻劉笑曰人  
鬼路殊固難遂所託姥曰非求人也但為刻桐木為  
形稍上者則為佳矣劉許諸因為具之經宿木人失  
矣又謂劉曰蕙煩主人作鋪公鋪母若可某夕我自  
具車輪奉迎劉心計無奈何亦許至一日過酉有僕  
馬車乘至門姥亦至曰主人可往劉與妻各登其車

馬天黑至一處朱門崇墉籠燭列迎賓客供帳之盛如王公家引劉至一廳朱紫數十有與相識者有已歿者各相視無言妻至一室蠟炬如臂錦翠爭煥亦有婦人數十存歿相識各半但相視而已及五更劉與妻恍惚間卻還至家如醉醒十不記其一二矣經數月姥復來拜謝曰小女成長今復託主人劉不耐以枕抵之曰老魅敢如此擾人姥隨枕而滅妻遂疾發劉與男女拜地禱之不復出矣妻竟以心痛卒劉

妹復病心痛劉欲徙居一切物膠著其處輕若履屣亦不可舉迎道流上章梵僧持咒悉不禁劉嘗暇日檢藥方其婢小碧自外來垂手緩步大言劉四頗憶平昔無既而嘶咽曰省躬近從泰山回路逢飛天野義攜賢妹心肝我亦奪得因舉袖袖中蠕蠕有物左顧似有所命曰可為安置又覺袖中風生衝簾幌入堂中乃上堂對劉坐問存歿叙平生事劉與杜省躬同年及第有舊其婢舉止笑語無不肖也項曰我有事

不可久留執劉手嗚咽劉亦悲不自勝婢忽然而倒  
及覺一無所記其妹亦自此無恙

臨川郡南城縣令戴詒初買宅於館娃坊暇日與弟閒  
坐廳中忽聽婦人聚笑聲或近或遠詒頗異之笑聲  
漸近忽見婦人數十散在廳前倏忽不見如是累日  
詒不知所為廳階前枯梨樹大合抱意其為祥因伐  
之根下有石露如塊掘之轉濶勢如鋤形乃火上沃  
醯鑿深五六尺不透忽見婦人繞坑抵掌大笑有頃

共牽簪入坑投於石上。一家驚懼之際，婦人復還大笑。簪亦隨出，簪纔出，又失其弟。家人慟哭，簪獨不哭。曰：「他亦甚快活，何用哭也？」簪至死不肯言其情狀。

獨孤叔牙常令家人汲水，重不可轉，數人助出之。乃人也戴席帽，攀欄大笑，卻墜井中。汲者攬得席帽挂於庭樹，每雨所溜，雨處輒生黃菌。

有史秀才者，元和中曾與道流遊華山。時暑，環憩一小溪，忽有一葉大如掌，紅潤可愛，隨流而下。史獨接得。

寘懷中坐食覺懷中漸重潛起觀之覺葉上鱗起栗栗而動史驚懼奔林中遽白衆曰此必龍也可速去矣須臾林中白煙生彌於一谷中下山未半風雷大至

史論作將軍時忽覺妻所居房中有光異之因與妻遍索房中且無所見一日妻蚤妝開奩奩中忽有五色龜大如錢吐五色氣彌滿一室後常養之

工部員外郎張周封言舊庄城東狗脊崙

水經注言此狗架崙西

嘗築牆於太歲上一夕盡崩且意其基虛功不至乃率庄客指揮築之高未數尺炊者驚叫曰怪作矣遽視之飭數斗悉躍出蔽地着牆勻若蠶子無一粒重者蠱牆之半如界焉因詣巫酹地謝之亦無他焉

山蕭一名山臊神異經作獐

一曰獐

永嘉郡記作山魅一

名山駱一名蛟

一曰蛟

一名濯肉一名熱肉一名暉一

名飛龍如鳩青色亦曰治鳥巢大如五斗器飾以土

堊赤白相見狀如射侯犯者能役虎害人燒人廬舍

俗言山魃

伍相奴或擾人許於伍相廟多已舊說一姓姚二姓王  
三姓汪昔值洪水食都樹皮餓死化為鳥都皮骨為  
猪都婦女為人都鳥

一曰鳥

都左腋下有鏡印濶二寸

一分右脚無大指右手無三指左耳缺右目盲在樹  
根居者名猪都在樹半可攀及者名人都在樹尾者  
名鳥都其禁有打土壟法山鵲法其掌訣右手第二  
指上節邊禁山都眼左手目禁其喉南中多食其巢



味如木芝窠表可為履屨治脚氣

舊說野狐名紫狐夜擊尾火出將為怪必戴髑髏拜北  
斗髑髏不墜則化為人矣

劉元鼎為蔡州蔡州新破食一曰倉場狐暴劉遣吏生捕

日於球場縱犬逐之為樂經年所殺百數後獲一疥  
狐縱五六犬皆不敢逐狐亦不走劉大異之令訪大  
將家獵狗及監軍亦自誇巨犬至皆弭耳環守之狐  
良久纔跳直上設廳穿臺盤出廳後及城牆俄失所

在劉自是不復令捕道術中有天狐別行法言天狐  
九尾金色役於日月宮有符有醮日可洞達陰陽  
南中有獸名風狸如狙眉長好羞見人輒低頭其溺能

理風疾術士多言風狸杖難得於翳形草南人以上  
長繩繫於野外大樹下人匿於旁樹穴中伺之三日  
後知無人至乃於草中尋摸忽得一草莖折之長尺  
許窺樹上有鳥集指之隨指而墮因取而食之人候  
其怠勁走奪之見人遽齧食之或不及則弃於草中

若不可下當打之數百方肯為人取有得之者禽獸  
隨指而斃有所欲者指之如意

開成末永興坊百姓王乙掘井過常井一丈餘無水忽  
聽向下有人語及雞聲甚喧鬧近如隔壁井匠懼不  
敢掘街司申金吾韋處仁將軍韋以事涉怪異不復  
奏遽令塞之據亡新求周秦故事謁者閣上得驪山  
本李斯領徒七十二萬人作陵鑿之以韋程三十七  
歲固地中水泉奏曰已深已極鑿之不入燒之不燃

叩之空空如下天

一日如狀抑知厚地之下別有天

存天狀

地也

太和三年壽州虞候景乙京西防秋迴其妻久病纔相見遽言我半身被斫去往東園矣可速逐之乙大驚因趣園中時昏黑見一物長六尺餘狀如嬰兒裸立挈一竹器乙情急將擊之物遂走遺其器乙就視見其妻半身乙驚倒或亡所見反視妻自髮際眉間及胸有壘如指映膜赤色又謂乙曰可辨乳二升沃於

園中所見物處我前生為人後妻節其子乳致死因為所訟冥斷還其半身向無君則死矣

太和末荆南松滋縣南有士人寄居親故庄中肄業初到之夕二更後方張燈臨案忽有小人纔半寸葛巾杖策入門謂士人曰乍到無主人當寂寞其聲大如蒼蠅士人素有膽氣初若不見乃登牀責曰遽不存主客禮乎復升案窺書詬罵不已因覆硯於書上士人不耐以筆擊之墮地叫數聲出門而滅頃有婦人

四五或姥或少皆長一寸呼曰真官以君獨學故令  
郎君言展且論精與何癡頑狂率輒致損害今可見  
真官其來索續如蟻狀如騶卒撲緣士人士人恍然  
若夢因齧四支痛苦甚復曰汝不去將損汝眼四五  
頭遂上其面士人驚懼隨出門至堂東遙望見一門  
絕小如節使之門士人乃叫何物怪魅敢凌人如此  
復被齧且衆齧之恍惚間已入小門內見一人戴冠  
當殿階下侍衛千數悉長寸餘叱士人曰吾憐汝獨

處俾小兒往何苦致害罪當腰斬乃見數十人悉持  
刀攘背迫之士人大懼謝曰某愚騃肉眼不識真官  
乞賜餘生久乃曰且解知悔叱令曳出不覺已在小  
門外及歸書堂已五更矣殘燈猶在及明尋其蹤跡  
東壁古牆下有小穴如粟守宮出入焉士人即率數  
夫發之深數丈有守宮十餘石大者色赤長尺許蓋  
其王也壤土如樓狀士人聚蘇焚之後亦無他

京宣平坊有官人夜歸入曲有賣油者張帽驅驢馱桶

不避導者搏之頭隨而落遂遽入一大宅門官人異之隨入至大槐樹下遂滅因告其家即掘之深數尺其樹根枯下有大蝦蟆如疊挾二筆錯他答反樹溜津滿其中也及巨白菌如殿門浮漚釘其蓋已落蝦蟆即驢矣筆錯乃油桶也菌即其人也里有沽其油者月餘怪其油好而賤及怪露食者悉病嘔洩

陵州龍興寺僧惠恪不拘戒律力舉石臼好客往來多依之常夜會寺僧十餘設煎餅二更有巨手被毛如



胡鹿大言曰乞一煎餅衆僧驚散惟惠恪掇煎餅數枚置其掌中魅因合拳僧遂極力急握之魅哀祈聲甚切惠恪呼家人斫之及斷乃鳥一羽也明日隨其血踪出寺西南入溪至一巖罅而滅惠恪率人發掘乃一坑礫石

開成初東市百姓喪父騎驢市凶具行百步驢忽然曰我姓白名元通負君家力已足勿復騎我南市賣麩家欠我五千四百我又負君錢數亦如之今可賣我

其人驚異即牽行旋訪主賣之驢甚壯報價只及五千詣楚行乃還五千四百因賣之兩宿而死

鄆州闕司倉者家在荊州其女乳母鈕氏有一子妻愛之與其子均焉衣物飲食悉等忽一日妻偶得林檎一蒂戲與已子乳母乃怒曰小娘子成長忘我矣常有物與我子停今何容偏因齧吻攘臂再三反覆主人之子一家驚怖逐奪之其子狀貌長短正與乳母兒不下也妻知其怪謝之鈕氏復手簸主人之子始

如舊矣闕為灾祥密令奴持鑊閤擊之正當其腦驕  
然反中門扇鈕大怒詬闕曰爾如此勿悔闕知無可  
奈何與妻拜祈之怒方解鈕至今尚在其家敬之如  
神更有事甚多矣

荊州處士侯又玄常出郊廁於荒冢上及下跌傷其肘  
創甚行數百步逢一老人問何所苦也又玄見其肘  
老人言偶有良藥可封之十日不開必愈又玄如其  
言及解視之一臂遂落又玄兄弟五六互病病必出

血月餘又玄兩臂忽病瘡六七處小者如榆錢大者如錢皆人面至死不差時荆秀才杜曄話此事於座客許卑山人言江左數十年前有商人左膊上有瘡如人面亦無他苦商人戲滴酒口中其面亦赤以物食之凡物必食食多覺膊內肉漲起疑胃中也或不食之則一臂痺焉有善醫者教其歷試諸藥金石草木悉與之至貝母其瘡乃聚眉閉口商人喜曰此藥必治也因以小葦筒毀其口灌之數日成痂遂愈

工部員外張周封言今年春拜掃假迴至湖城逆旅說  
去年秋有河北軍將過此至郊外數里忽有旋風如  
升器常起於馬前軍將以鞭擊之轉大遂旋馬首鬣  
起如植軍將懼下馬觀之覺鬣長數尺中有細綆如  
紅線馬時馬立嘶鳴軍將怒乃取佩刀拂之風因散  
滅馬亦死軍將割馬腹視之腹中無傷不知是何怪  
也

酉陽雜俎卷十五

欽定四庫全書薈要卷一萬一千二百三十二

子部

酉陽雜俎卷十六

唐 段成式 撰

廣動植之一

成式以天地間所化所產突而旋成形者樊然矣故山海經爾雅所不能究因拾前儒所著有草木禽魚未列經史已載事未悉者或接諸耳目簡編所無者作廣動植冀培土培丘陵之學也昔曹丕著論於火

布滕循獻疑於鰕鬚蔡謨不識彭蜺劉緇誤呼荔挺  
至今可笑學者豈容略乎

羽嘉生飛龍飛龍生鳳凰生鸞鸞生庶鳥 應龍生建

鳥建鳥生麒麟麒麟生庶獸 分鱗生蛟龍蛟龍生

鯢鯢鯢生建邪建邪生庶魚 分潭生先龍先龍

生玄魴玄魴生靈龜靈龜生庶龜 日馮生玄陽闕

玄陽闕生鱗胎鱗胎生幹木幹木生庶木 招搖生

程君一日程君生玄玉玄玉生醴泉醴泉生應黃應

若

黃生黃華黃華生庶草

尾一日

海間生屈龍屈

龍生

容華容華生菓菓生藻藻生浮草

甲蟲影伏羽蟲

體伏

食草者多力而愚食肉者勇敢而悍

齧吞

者八竅而卵生咀嚼者九竅而胎生

無角者膏而

先前有角者脂而先後

食葉者有絲食土者不息

食而不飲者蠶飲而不食者蟬不飲不食者蜉蝣

一日

屬卻行蛇屬紆行蜻列屬注鳴蜩屬旁鳴發皇

翼鳴蚣蝮股鳴榮原胃鳴

蜩三十日而死

鱣魚



三月上官於孟津 鷓鴣向日飛 鰕與鯨魚車螯

與移角並相似 鳳雄鳴節節雌鳴足足行鳴曰歸

嬉止鳴曰提袂 麒麟牡鳴曰逝遊一曰 聖牝鳴曰歸

和春鳴曰扶助夏鳴曰養綏 鼈無耳為守神 虎

五指為羆 魚滿三百六十年則為蛟龍引飛去水

魚二千斤為蛟 武陽小魚一斤千頭 東海大

魚瞳子大如三斗盎 桃支竹以四寸為一節木爪

一尺一百二十一節 木蘭去皮不死 荆木心方

蛇有水草木土四種 孔雀尾端一寸名珠毛

鶴左右脚裏第一指名兵爪 蜀郡無兔鵲 江南一曰

來無狼馬 朱提以南無鳩鵲 鳥有四千五百種獸有

二千四百種 鴉楚鳩所生 騾不滋乳 蔡中郎以

反舌為蝦蟇淮南子以蛩為螻蛄詩義以蟲為螻蛄

高誘以乾鵲為蟋蟀 兔吐子 鷓鴣吐雛 爪瓠

子曰犀胡桃人曰蝦蟇 蝦蟇無腸 龜一曰龜腸屬

於頭 科斗尾脫則足生 鳥未孕者為禽鳥養子

曰乳 蛇蟠向王鵲巢背太歲燕伏戌巳虎奮衝破  
乾鵲知來猩猩知往 鶴影抱蝦蟇聲抱 蟬化齊  
后鳥生杜宇 椰子為越王頭壺樓為杜宇項 鷓  
鴒鳴曰向南不北逃閭鳴懸壺盧繫項一曰豆以二  
七為族粟累十二為寸

人參處處生蘭長生為瑞 有實曰果又在木曰果  
小麥忌戌大麥忌子 薺萼薺薺萼為三葉孟夏煞  
之 烏頭殼外有毛石劫應節生花 木再花夏有

電李再花秋大霜 木無故叢枝盡向下又生及  
一尺至一丈自死皆凶 邑中終歲無鳥有寇郡中

忽無鳥者日鳥亡 雞無故自飛去家有蠱雞日中

不下樹妻妾姦謀 見蛇交三年死蛇冬見寢室主

兵急 人夜卧無故失髻者鼠妖也 屋柱木無故

生芝者白為喪赤為血黑為賊黃為喜其形如人面

者亡財如牛馬者遠役如龜蛇者田蠹耗 德及幽

隱則比目魚至

生一曰

妾媵有制則白燕來巢 山上

有葱下有銀山上有薤下有金山上有薑下有銅錫  
山有寶玉木旁枝皆下垂

葛稚川嘗就上林令魚泉得朝臣所上草木名二十餘  
種鄰人石瓊就之求借一皆遺弃語曰買魚得鱖不  
如食茹寧去累世宅不去鰲魚額洛鯉伊魴貴於牛  
羊得合瀾蠋雖不足豪亦足以高 檳榔扶留可以  
忘憂 白馬甜榴一實直牛 草木暉暉蒼黃亂飛

羽篇

鳳骨黑雄雌夕旦鳴各異黃帝使伶倫制十二簫寫之  
其雄聲其雌音樂有鳳凰臺此鳳脚下物如白石者  
鳳有時來儀候其所止處掘深三尺有圓石如卵正  
白服之安心神

孔雀釋氏書言孔雀因雷聲而孕

鸛江淮謂羣鸛旋飛為鸛井鸛亦好旋飛必有風雨人  
採巢取鸛子六十里早能羣飛薄霄激雨雨為之散  
鳥鳴地上無好聲人臨行鳥鳴而前引多喜此舊占所

不載 貞元四年鄭汴二州羣鳥飛入田緒李納境  
內街木為城高至二三尺方一餘里納緒惡而命焚  
之信宿如舊鳥口皆流血 俗候鳥飛翅重天將雨  
鵲巢中必有梁崔圓相公妻在家時與姊妹戲於後園  
見二鵲構巢共銜一木如筆管長尺餘安巢中衆悉  
不見俗言見鵲上梁必貴 大歷八年乾陵上仙觀  
天尊殿有雙鵲銜柴及泥補葺隙壞一十五處宰臣  
上表賀

貞元三年中書省梧桐樹上有鵲以泥為巢焚其巢可  
禳狐魅

燕凡狐白貉鼠之類燕見之則毛脫或言燕蟄於水

曰一

月底舊說燕不入室是井之虛也取桐為男女各一  
投井中燕必來胸班黑聲大名胡燕其巢有容足素  
練者

崔釋氏書言雀沙生因浴沙塵受卵蜀弔鳥山至雉雀  
來弔最悲百姓夜燃火伺取之無噤不食似持

一曰特



金史卷一百一十五  
卷一百一十五  
悲者以為義則不然

鴿大理丞鄭復禮言波斯舶上多養鴿鴿能飛行數千里輒放一隻至家以為平安信

鸚鵡能飛衆鳥趾前三後一唯鸚鵡四趾齊分凡鳥目下  
瞼眨上獨此鳥兩瞼俱動如人目 玄宗時有五色  
鸚鵡能言上令左右試牽帝衣鳥輒瞋目叱咤岐府  
文學熊延京獻鸚鵡篇以贊其事張燕公有表賀稱  
為時樂鳥

杜鵑始陽相催而鳴先鳴者吐血死嘗有人山行見一  
羣寂然聊學其聲即死初鳴先聽其聲者主離別廁  
上聽其聲不祥厭之法當為犬聲應之

雌鵒舊言可使取火効人言勝鸚鵡取其目睛和人乳  
研滴眼中能見煙霄外物也

鵒濟南郡張公城西北有鵒浦南燕世有漁人居水側  
常聽鵒之聲衆中有鈴聲甚清亮候之見一鵒咽頸  
極長羅得之項上有銅鈴綴以銀鑠隱起元鼎元年

字

晉時營道縣令何潛之於縣界得鳥大如白鷺膝上髀  
下自然有銅鑲貫之

鵲鵲舊言辟火災巢於高樹生子穴中銜其母翅飛下  
養之

鵲

即鵲字

相傳鵲生三子一為鵲肅宗張皇后專權每進

酒常寘鵲腦酒鵲腦酒令人久醉健忘

異鳥天寶二年平盧有紫蟲食禾苗時東北有赤頭鳥

羣飛食之 開元二十三年榆關有蜉蝣蟲延入平  
州界亦有羣雀食之又開元中具州蝗蟲食禾有大  
白鳥數千小白鳥數萬盡食其蟲

大厯八年大鳥見武功羣鳥隨噪之行營將張日芬射  
獲之肉翅狐首四足足有爪廣四尺三寸狀類蝙蝠  
又邠州有白頭鳥乳鵪鶉

王母使者齊郡函山有鳥足青觜赤黃素翼絳額名王  
母使者昔漢武登此山得玉函長五寸帝下山玉函

忽化為白鳥飛去世傳山上有王母藥函常令鳥守之

吐綬鳥魚復縣南山有鳥大如鵠鵠羽色

毛一曰多黑雜

以黃白頭類似雉有時吐物長數寸丹彩彪炳形色類綬因名為吐綬鳥又食必蓄素臆前大如斗慮觸其喙行每遠草木故一名避株鳥

鸛鷯一名墮羿形似鵲人射之則銜矢反射人

鷓鴣喙大而句長一尺赤黃色受二升南人以為酒杯

也

松節鳥四脚尾似鼠形如雀終南深谷中有之

老鷓秦中山谷間有鳥如梟色青黃肉翅好食烟見人輒驚落隱首草穴中常露身其聲如嬰兒啼名老鷓柴蒿京之近山有柴蒿鳥頭有冠如戴勝大若野鷄兜兜鳥其聲自號正月以後作聲至五月節不知所在其形似鵠鵠

蝦蟆護南山下有鳥名蝦蟆護多在田中頭有冠色蒼

足赤形似鷺

夜行遊女一曰天帝女一名鈞星夜飛晝隱如鬼神衣毛為飛鳥脫毛為婦人無子喜取人子胸前有乳凡人飴小兒不可露處小兒衣亦不可露曬毛落衣中當為鳥祟或以血點其衣為誌或言產死者所化鬼車鳥相傳此鳥昔有十首能收人魂一首為犬所噬秦中天陰有時有聲聲如力車鳴或言是水鷄過也白澤圖謂之蒼鷗帝嚳書謂之逆鵠夫子子夏所見寶

歷中國子四門助教史迥語成式嘗見裴瑜所注爾雅言鵠麋鵠是九頭鳥也

細鳥漢武時畢勒國獻細鳥以方尺玉為籠數百頭狀如蠅聲如鴻鵠此國以候日因名候日蟲集宮人衣輒蒙愛幸

嗽金鳥出昆明國形如雀色黃常翱翔於海上魏明帝時其國來獻此鳥飴以真珠及龜腦常吐金屑如粟鑄之乃為器服宮人爭以鳥所吐金為釵珥謂之辟



寒金以鳥不畏寒也宮人相嘲弄曰不服辟寒金那得帝王心不服辟寒鈿那得帝王憐

背明鳥吳時越雋之南獻背明鳥形如鶴止不向明巢必對北其聲百變

奇嵐鳥出河西赤塢鎮狀似鳥而大飛翔於陣上多不利

鷓鴣狀如鷺稍大足短趾似鼠未嘗見下地常止林中偶失勢控地不能自振及舉上凌青霄出涼州

鵓鳥武州縣合火山山上有鵓鳥形類鳥觜赤如丹一名赤觜鳥亦曰阿鵓鳥

訓胡惡鳥也鳴則後竅應之

百勞博勞也相傳伯奇所化取其所踏枝鞭小兒能令速語南人繼母有娠乳兒病如瘡唯鵓毛治之

毛篇

師子釋氏書言師子筋為絃鼓之衆絃皆絕 西域有

黑師子捧師子 集賢校理張希復言舊有師子尾

拂夏月蠅蚋不敢集其上

舊說蘇合香師子糞也

象舊說象性久識見其子皮必泣一枚重千斤

釋氏書言象七九柱地六牙牙生理必因雷聲

又言龍象六十歲骨方足今荆地象色黑兩牙江猪也

咸亨二年周澄國遣使上表言訶伽國有白象首

垂四牙身運五足象之所在其土必豐以水洗牙飲  
之愈疾請發兵迎取 象膽隨四時在四腿春在前

左夏在前右如龜無定體也鼻端有爪可拾針肉有  
十二般唯鼻是其本肉 陶貞白言夏月合藥宜置

象牙於藥旁南人言象妬惡犬聲獵者裹糧登高樹  
搆熊巢伺之有羣象過則為犬聲悉舉鼻吼叫循守  
不復去或經五六月困倒其下因潛煞之耳後有穴  
薄如鼓皮一刺而斃胸前小橫骨灰之酒服令人能  
浮水出沒食其肉令人體重 古訓言象孕五歲始  
生

虎交而月暈仙人鄭思遠常騎虎故人許隱齒痛求治  
鄭曰唯得虎鬚及熱插齒間即愈鄭為拔數莖與之  
因知虎鬚治齒也 虎殺人能令屍起自解衣方食  
之虎威如乙字長一二寸在兩脇旁皮內尾端亦有之  
佩之臨官為無官人所媚嫉 虎夜視一目放光一  
目看物獵人候而射之光墜入地成白石能止小兒驚  
馬虜中護蘭馬五白馬也亦曰玉面諳真馬十三歲馬  
也以十三歲已下可以留種舊種馬戎馬八尺田馬

七尺驚馬六尺 瓜州飼馬以苜蓿草沙州以茨蓂涼

州以敦突渾蜀以稗草以蘿蔔根飼馬馬肥安北飼

馬以沙蓬根針 大食國馬解人語 悉怛國怛幹

國出好馬 馬四歲兩齒至二十歲齒盡平 體名

有輸鼠外鳧鳥頭龍翅虎口 豬槽飼馬石灰泥槽

汗而繫門三事落駒 迴毛在頸白馬黑馬鞍下腋

下迴毛右脅白毛左右後足白 馬四足黑目下橫

毛黃馬白喙旋毛在吻後汗溝上通尾本目赤睫亂

及反睫白馬黑目目白卻視並不可騎夜眼名附蟬  
尸肝名懸峰亦曰雞舌綠袂方言以地黃甘草噉五  
十歲生三駒

牛北人牛瘦者多以蛇灌鼻口則為獨肝水牛有獨肝  
者殺人逆賊李希烈食之而死 相牛法歧胡有壽  
膺匡欲廣毫筋欲橫蹄後筋也常有聲有黃也角冷  
有病旋毛在珠泉無壽睫亂觸人銜烏角偏妨主毛  
少骨多有力溺射前良牛也疎肋難養三歲二齒四

歲四齒五歲六齒六歲以後每一年接脊骨一節

甯公所飮牛陰虹屬頸陰虹雙筋目尾屬頸也

北虜之先索國有泥師都二妻生四子一子化為鴻遂  
委三子謂曰爾可從古旃古旃牛也三子因隨牛牛  
所糞悉成肉酪 太原縣北有銀牛山漢建武二十  
一年有人騎白牛蹊人田田父訶詰之乃曰吾北海  
使將看天子登封遂乘牛上山田父尋至山上唯見  
牛跡遺糞皆為銀也明年世祖封禪



鹿虞部郎中陸紹弟為盧氏縣尉嘗觀獵人獵忽遇鹿  
五六頭臨澗見人不驚毛班如畫陸怪獵者不射問  
之獵者言此仙鹿也射之不能傷且復不利陸不信  
強之獵者不得已一發矢鹿帶箭而去及返射者墜  
崖折左足

南康記云合浦有鹿額上戴科藤一枝四條直上各一  
丈

犀之通天者必惡影常飲濁水當其溺時人趣不復移

足角之理形似百物或云犀角通者是其病然其理有倒插正插腰鼓插倒者一半已下通正者一半已上通腰鼓者中斷不通故波斯謂牙為白暗犀為黑暗成式門下醫人吳士臯嘗職於南海郡見舶主說本國取犀先於山路多植木如狙棊云犀前脚直常倚木而息木欄折則不能起犀牛一名奴角有鵠處必有犀也犀三毛一孔劉孝標言犀墮角埋之以假角易之

馳性羞木蘭篇明馳千里脚多誤作鳴字馳卧腹不帖  
地屈足漏明則行千里

天鐵熊高宗時加一曰毗葉國獻天鐵熊擒白象師子

狼大如狗蒼色作聲諸竅皆沸胫中筋大如鴨卵有犯

盜者薰之當令手攣縮或言狼筋如織絡小囊蟲所

作也狼糞烟直上烽火用之或言狼狽是兩物狽

前足絕短每行常駕於狼腿上狽失狼則不能動故

世言事乖者稱狼狽臨濟郡西有狼塚近世曾有

人獨行於野遇狼數十頭其人窘急遂登草積上有  
兩狼乃入穴中負出一老狼老狼至以口拔數莖草  
羣狼遂竟拔之積將崩遇獵者救之而免其人相率  
掘此塚得狼百餘頭殺之疑老狼即狙也

貊澤大如犬其膏宣利以手所承及於銅鐵瓦器中貯  
悉透以骨盛則不漏

狢狢徼外勃樊州熏陸香所出也如楓脂狢狢好啖之  
大者重十斤狀似獺其頭身四支了無毛唯從鼻上

竟脊至尾有青毛廣一寸長三四分獵得者斫刺不傷積薪焚之不死乃大杖擊之骨碎乃死

黃耆一名唐已人見之不祥俗相傳食虎

香狸取其水道連囊以酒澆乾之其氣如真麝

耶希有鹿兩頭食毒草是其胎矢也夷謂鹿為耶矢為希

蠅似黃狗圓有常處若行遠不及其家

一云處

則以草塞

其尻

猓獬蜀西南高山上有物如猴狀長七尺名猓獬一曰  
馬化好竊人妻多時形皆類之盡姓楊蜀中姓楊者  
往往攫爪

狒狒飲其血可以見鬼力負千斤笑輒上吻掩額狀如  
獼猴作人言如鳥聲能知生死血可染緋髮可為髮  
舊說反踵獵者言無膝睡常以物宋建武高城郡進  
雌雄二頭

在子者鼈身人首炙之以藿則鳴曰在子

大尾羊康居出大尾羊尾上旁廣重十斤 又僧玄奘  
至西域大雪山高嶺下有一村養羊大如驢 賓國  
出野青羊尾如翠色土人食之



酉陽雜俎卷十六

總校官庶吉士臣侍朝

校對官檢討臣盧應

騰錄監生臣徐壇

騰錄監生臣姜澍



欽定四庫全書薈要

子部

酉陽雜俎卷

十七至  
二十

詳校官兵部主事臣  
雷純



欽定四庫全書薈要卷一萬一千二百三十三

子部

酉陽雜俎卷十七

唐 段成式 撰

廣動植之二

鱗篇

龍頭上有一物如博山形名尺木龍無尺木不能昇天  
井魚井魚腦有穴每翕水輒於腦穴盛出如飛泉散落  
海中舟人竟以空器貯之海水鹹苦經魚腦穴出反

淡如泉水焉成式見梵僧菩提勝說

異魚東海漁人言近獲魚長五六尺腸胃成胡鹿刀槊之狀或號秦皇魚

鯉脊中鱗一道每鱗有小黑點大小皆三十六鱗國朝律取得鯉魚即宜放仍不得喫號赤鰓公賣者杖六十言鯉為李也

黃魚蜀中每殺黃魚天必陰雨

烏鰂舊說名河伯度一曰從事小吏遇大魚輒放墨方數

尺以混其身江東人或取墨書契以給人財物書跡  
如淡墨逾年字消唯空紙耳海人言昔秦皇東遊弃  
筭袋於海化為此魚形如筭袋兩帶極長一說烏鰂  
有石遇風則蚪前一鬚下石

鮎魚凡諸魚欲產鮎魚輒舐其腹世謂之衆魚之生母  
鰕魚章安縣出出入鰕腹子朝出索食暮入母腹腹中  
容四子類赤如金甚健網不能制俗呼為河伯健兒  
鮫魚鮫子驚則入母腹中

馬頭魚象浦有魚色黑長五丈餘頭如馬伺人入水食人  
印魚長一尺三寸額上四方如印有字諸大魚應死者  
先以印封之

石班魚僧行儒言建州有石班魚好與蛇交南中多隔  
蜂巢大如壺常羣螫人土人取石班魚就蜂樹側炙  
之標於竿上向日令魚影落其窠上須臾有鳥大如  
鷲數百擊其窠窠碎落如葉蜂亦全盡

鯢魚如鮐四足長尾能上樹天旱輒舍水上山以草葉

覆身張口鳥來飲水因吸食之聲如小兒峽中人食之先縛於樹鞭之身上白汗出如構汁此方可食不爾有毒

鰲雌常負雄而行漁者必得其雙南人列肆賣之雄者少肉舊說過海輒相負於背高尺餘如帆垂風遊行今鰲殼上有一物高七八寸如石珊瑚俗呼為鰲帆成式荊州嘗得一枚至今閩嶺重鰲子醬鰲十二足殼可為冠次於白角南人取其尾為小如意也

飛魚朗山浪水有魚長一尺能飛飛即凌雲空息即歸潭底

溫泉中魚南人隨溪有三亭城城下溫泉中生小魚

羊頭魚周陵溪溪中有魚其頭似羊俗呼為羊頭魚豐肉少骨殊美於餘魚

鰻魚濟南郡東北有鰻坑傳言魏景明中有人穿井得魚大如鏡其夜河水溢入此坑坑中居人皆為鰻魚焉

瑇瑁蟲不再交者虎鴛與瑇瑁也

螺蚌鸚鵡螺如鸚鵡見之者凶蚌當雷聲則瘕

一曰瘕

蟹八月腹中有芒芒真稻芒也長寸許向東輸與海神未輸不可食

善苑國出百足蟹長九尺四螯煎為膠謂之螯膠勝鳳喙膠也

平原郡貢糖蟹採於河間界每年生貢斲冰火照懸老犬肉蟹覺老犬肉即浮因取之一枚直百金以擅密



東於驛馬馳至於京

蝥蟬大者長尺餘兩螯至強八月能與虎鬪虎不如隨  
大潮退殼一退一長

奔鯨奔鯨一名濁非魚非蛟大如船長二三丈色如鮎  
有兩乳在腹下雄雌陰陽類人取其子着岼上聲如  
嬰兒啼頂上有孔通頭氣出赫赫作聲必大風行者  
以為候相傳懶婦所化煞一頭得膏三四斛取之燒  
燈照讀書紡績輒暗照歡樂之處則明

係臂如龜入海捕之人必先祭又陳所取之數則自出  
因取之若不信則風波覆船

蛤蜊候風雨能以殼為翅飛

擁劍一螯極小以大者鬪小者食

寄居殼似蝸一頭小蟹一頭螺蛤也寄在殼間常候蝸

螺 一曰開出食螺欲合遽入殼中

牡蠣言牡非謂雄也介蟲中唯牡蠣是鹹水結成也  
玉桃似蚌長二寸廣五寸殼中柱炙之如牛頭脰項

數丸形似蟭螟竟取土各作丸丸數滿三百而潮至一  
曰沙丸

千人捏形似蟹大如錢殼甚固壯夫極力捏之不死俗  
言千人捏不死因名焉

蟲篇

蟬未脫時名復育相傳言蛭蟥所化秀才韋翱翻一曰庄

在杜曲嘗冬中掘樹根見復育附於朽處怪之村人  
言蟬固朽木所化也翱因剖一視之腹中猶實爛木

蝶白蛺蝶尺蠖繭所化也秀才顧非熊少時嘗見鬱栖  
中壞綠裙幅旋化為蝶工部員外郎張周封言百合  
花合之泥其隙經宿化為大胡蝶

蟻秦中多巨黑蟻好鬪俗呼為馬蟻次有色竊赤者細  
蟻中有黑者遲鈍力舉等身鐵有竊黃者最有兼弱  
之智成式兒戲時嘗以棘刺標蠅寘其來路此蟻觸  
之而返或去穴一尺或數寸纔入穴中者如索而出  
疑有聲而相召也其行每六七有大首者間之整若

隊伍至徙蠅時大首者或翼或殿如備異蟻狀也

元和中假居在長興里庭有一穴蟻形狀大如次竊

赤者而色正黑腰節微赤首銳足高走最輕迅每生

致蠖及小魚

虫 一曰

入穴輒壞坵室穴蓋防其逸也自

後徙居數處更不復見此

山人程宗乂

文 一曰

云程

執恭在易定野中蟻樓三尺餘

蜘蛛道士許象之言以盆覆寒食飯於暗室地上入夏

悉化為蜘蛛

吳公綏安縣多吳公大者兔尋能以氣吸兔

一云大者能以氣吸

兔小者吸蜥蜴相去三四尺骨肉自消

蠚蠚成式書齋多此蟲蓋好窠於書卷也或在筆管中祝聲可聽有時開卷視之悉是小蜘蛛大如蠅虎旋以泥隔之時方知不獨負桑蟲也

顛當成式書齋前每雨後多顛當窠

俗人深知蚓穴網所呼

絲其中土蓋與地平大如榆莢常仰捍其蓋伺蠅蠖過輒翻蓋捕之纔入復閉與地一色並無絲隙可尋

也其形似蜘蛛

如牆角亂  
縞中者

爾雅謂之王蚨蜋鬼谷子

謂之蚨母秦中兒童戲曰顛當顛當牢守門螭螭寇  
汝無處奔

蠅長安秋多蠅成式蠹書常日讀百家五卷頗為所擾  
觸睫隱字毆不能已偶拂殺一焉細視之翼甚似蜋  
冠甚似蜂性察於腐嗜於酒肉按理首翼其類有蒼  
者聲雄壯負金者聲清聒其聲在翼也青者能敗物  
巨者首如火或曰大麻蠅茅根所化也

壁魚補闕張周封言嘗見壁上白瓜子化為白魚因知  
列子言朽瓜為魚之義

蛭蜥草中有蛭蜥樹

天牛蟲黑甲蟲也長安夏中此蟲或出於籬壁間必雨  
成式七度驗之皆應

異蟲溫會在江州與賓客看打魚漁子一人忽上岸狂  
走溫問之但反手指背不能語漁者色黑細視之有  
物如黃葉大尺餘眼遍其上齧不可取溫令燒之落



每對一眼底有紫如釘漁子出血數升而死莫有識者

冷虵申王有肉疾腹垂至骭每出則以百練束之至暑月常骭息不可過玄宗詔南方取冷虵二條賜之虵長數尺色白不螫人執之冷如握冰申王腹有數約夏月寘於約中不復覺煩暑

異蜂有蜂如蠟蜂稍大飛勁疾好圓裁樹葉卷入木竅及壁罅中作窠成式常發壁尋之每葉卷中實以不

潔或云將化為蜜也

白蜂窠成式脩竹里私第某園數畝壬戌年有蜂如麻  
子蜂膠土為窠於庭前簷大如雞卵色正白可愛家  
弟惡而壞之其冬果釁鍾手足南史言宋明帝惡言白問  
金樓子言子婚日疾風雪下幃幕變白以為不祥抑  
知俗忌白久矣

毒蜂嶺南有毒菌夜明經雨而腐化為巨蜂黑色喙若  
鋸長三分餘夜入人耳鼻斷人心繫

竹蜜蜂蜀中有竹蜜蜂好於野竹上結窠窠大如雞子有蒂長尺許窠與蜜並紺色可愛甘倍於常蜜

水蛆南中水碓澗中多有蛆長寸餘色黑夏深變為蚘螫人甚毒

水蟲象浦其川渚有水蟲攢水食船數十日船壞蟲甚微細抱槍水蟲也形如蛄蜺稍大腹下有刺似槍如棘針螫人有毒

負子水蟲也有子多負之

避役南中名避役一曰十二辰蟲狀似蛇醫脚長色青  
赤肉鬣暑月時見於籬壁間俗云見者多稱意事其  
首倏忽更變為十二辰狀成式再從兄鄴嘗觀之  
食膠蟲夏月食松膠前脚傳之後脚聶之內之尻中  
蝦蟆形如蟬其子如蝦着草葉得其子則母飛來就之  
煎食辛而美

竈馬狀如促織稍大脚長好穴於竈側俗言竈有馬足  
食之兆

謝豹號州有蟲名謝豹常在深土中司馬裴沈子常獲坑獲之小類蝦蟇而圓如毬見人以前兩脚交覆首如羞狀能穴地如鼯鼠頃刻深數尺或出地聽謝豹鳥聲則腦裂而死俗因名之

碎車蟲狀如唧聊蒼色好栖高樹上其聲如人吟嘯終南有之 一本云滄州俗呼為搔前太原有大而黑者聲唧聊碎車別俗呼為沒鹽蟲也

度古似書帶色類蚓長二尺餘首如鍬背上有黑黃欄

稍觸則斷嘗起蚓蚓不復動乃上蚓掩之良久蚓化  
惟腹泥如涎有毒雞喫輒死俗呼土蠱

雷蜺大如蚓以物觸之乃感縮圓轉若鞠良久引首鞠  
形漸小後如蚓焉或云齧人毒甚

矛蛇頭鼈身入水緣樹木生嶺南南人謂之矛膏至利  
銅瓦器貯浸出惟雞卵殼盛之不漏主腫毒

藍蛇首有大毒尾能解毒出梧州陳家洞南人以首合  
毒藥謂之藍藥藥人立死取尾為腊反解毒藥

蚪蛇長十丈常吞鹿消盡乃繞樹出骨養創時肪腴甚  
美或以婦人衣投之則蟠而不起其膽上旬近頭中  
旬在心下旬近尾

蠍鼠負蟲巨者多化為蠍蠍子多負於背成式嘗見一  
蠍負十餘子子色猶白纔如稻粒成式嘗見張希復  
言陳州古倉有蠍形如錢螫人必死江南舊無蠍開  
元初嘗有一主簿竹筒盛過江至今江南往往亦有  
俗呼為主簿蟲蠍常為蝸所食以跡規之蠍不復去

舊說過滿百為蠍所螫蠍前謂之螫後謂之蠱

蝨舊說蝨蟲飲赤龍所浴水則愈蝨惡水銀人有病蝨者雖香衣沐浴不得已道士崔白言荊州秀才張告嘗捫得兩頭蝨有草生山足濕處葉如百合對葉獨莖莖微赤高一二尺名蝨建草能去蟣蝨有水竹葉如竹生水中短小亦治蝨

蝗荊州有帛師號法通本安西人少於東天竺出家言蝗蟲腹下有梵字或自天下來者乃忉利天梵天來



者西域驗其字作木天壇法禳之今蝗蟲首有王字  
固自不可曉或言魚子變近之矣舊言蟲食穀者部  
吏所致侵漁百姓則蟲食穀蟲身黑頭赤武吏也頭  
黑身赤儒吏也

野狐鼻涕蝶蛸也俗呼為野狐鼻涕

酉陽雜俎卷十七

欽定四庫全書薈要卷一萬一千二百三十四

子部

酉陽雜俎卷十八

唐 段成式 撰

廣動植之三

木篇

松今言兩粒五粒粒當言鬣成式脩竹里私第大堂前有五鬣松兩根大財如椀甲子年結實味如新羅南詔者不別五鬣松皮不鱗中使仇士良水磴亭子在

金 卷十八  
城東有兩鬣皮不鱗者又有七鬣者不知自何而得  
俗謂孔雀松三鬣松也松命根遇石則偃蓋不必千  
年也

竹竹花曰獲

一曰獲

死曰筴六十年一易根則結實枯死

筴墮竹大如脚指腹中白幕蘭

一曰蘭

隔狀如濕麪將成

竹而筍皮未落輒有細蟲齧之隕籜後蟲齧處成赤  
跡似繡畫可愛

棘竹一名筴竹節皆有刺數十莖為叢南夷種以為城

卒不可攻或自崩根出大如酒瓮縱橫相承狀如縹  
車食之落人齒

筋竹南方以為矛筍未成時堪為弩絃

百葉竹一枝百葉有毒

竹譜竹類有三十九

慈竹夏月經雨滴汁下地生蓐似鹿角色白食之已痢  
也

異木大厯中成都百姓郭遠因樵獲瑞木一莖理成字

曰天下太平詔藏於祕閣

京西持國寺寺前有槐樹數株金監買一株令所使巧工解之及入內迴工言木無他異金大嗟惋令膠之曰此不堪矣但使爾知予工也乃別理解之每片一天王塔戟成就都官陳修古員外言西川一縣不記名吏因換獄卒木薪之天尊形像存焉

異樹婁約居常山据禪座有一野嫗手持一樹植之於庭言此是蜻蜓樹歲久芬芳鬱茂有一鳥身赤尾長

常止息其上

異果膽披國有人牧羊千百餘頭有一羊離羣忽失所  
在至暮方歸形色鳴吼異常羣羊異

長一日

之明日遂

獨行主因隨之入一穴行五六里豁然明朗花木皆  
非人間所有羊於一處食草草不可識有果作黃金  
色牧羊人竊一將還為鬼所奪又一日復往取此果  
至穴鬼復欲奪其人急吞之身遂暴長頭纔出身塞  
於穴數日化為石也

甘子天寶十年上譔宰臣曰近日於宮內種甘子數株  
今秋結實一百五十顆與江南蜀道所進不異宰臣  
賀表曰雨露所均混天區而齊被草木有性憑地氣  
而潛通故得資江外之珍果為禁中之華實相傳玄  
宗幸蜀年羅浮甘子不實嶺南有蟻大於秦中馬蟻  
結窠於甘樹甘實時常循其上故甘皮薄而滑往往  
甘實在其窠中冬深取之味數倍於常者

樟木江東人多取為船船有與蛟龍鬪者

石榴一名丹若梁大同中東州後堂石榴皆生雙子南  
詔石榴子大皮薄如藤紙味絕於洛中 石榴甜者  
謂之天漿能已乳石毒

柿俗謂柿樹有七絕一壽二多陰三無鳥巢四無蟲五  
霜葉可翫六嘉實七落葉肥大

漢帝杏濟南郡之東南有分流山山上多杏大如梨黃  
如橘土人謂之漢帝杏亦曰金杏

脂衣柰漢時紫柰大如升核紫花青研之有汁可漆或



着衣不可浣也

仙人棗晉時大倉南有翟泉泉西有華林園園有仙人棗長五寸核細如針

楷孔子墓上特多楷木

梔子諸花少六出者唯梔子花六出陶真白言梔子剪花六出刻房七道其花香甚相傳即西域薝蔔花也仙桃出郴州蘇耽仙壇有人至心祈之輒落壇上或至五六顆形似石塊赤黃色破之如有核三重研飲之

愈衆疾尤治邪氣

娑羅巴陵有寺僧房牀下忽生一木隨伐隨長外國僧  
見曰此娑羅也元嘉初出一花如蓮天寶初安西道  
進娑羅枝狀言臣所管四鎮有拔汗那最為密近木  
有娑羅樹特為奇絕不庇凡草不止惡禽聳幹無慚  
於松栝成陰不愧於桃李近差官拔汗那使令採得  
前件樹枝二百莖如得托根長樂擢穎建章布葉垂  
陰隣月中之丹桂連枝接影對天上之白榆

赤白檉出涼州大者為炭復

一曰傷

入以灰汁可以煮銅

為銀

仙樹祁連山上有仙樹實行旅得之止飢渴一名四味

木其實如棗以竹刀剖則甘鐵刀剖則苦木刀剖則

酸蘆刀剖則辛

木五香根梅檀節沉花雞舌葉藿膠薰陸

椒可以來水銀茱萸氣好上椒氣好下

構穀田久廢必生構葉有瓣曰楮無曰構

黃楊木性難長世重黃楊以無火或曰以水試之沉則無火取此木必以陰晦夜無一星則伐之為枕不裂我在鄴遂大得蒲萄奇有滋味陳昭曰作何形狀徐君房曰有類軟棗信曰君殊不體物可得言似生荔枝魏肇師曰魏武有言末夏涉秋尚有餘暑酒醉宿醒掩露而食甘而不飴酸而不酢道之固以流味稱奇况親食之者瑾曰此物實出於大宛張騫所致有黃白黑三種成熟之時子實逼側星編珠聚西域多釀

以為酒每來歲貢在漢西京似亦不少杜陵田五十畝中有蒲萄百樹今在京兆非直止禁林也信曰乃園種戶植接蔭連架昭曰其味何如橘柚信曰津液奇勝芬芳減之瑾曰金衣素裹見色作貢向齒自消良應不及

貝丘之南有蒲萄谷谷中蒲萄可就其所食之或有取歸者即失道世言王母蒲萄也天寶中沙門曇霄因遊諸岳至此谷得蒲萄食之又見枯蔓堪為杖大如

指五尺餘持還本寺植之遂活長高數仞蔭地幅員  
十丈仰觀若帷蓋焉其房實磊落紫瑩如墜時人號  
為草龍珠帳

凌霄花中露水損人目

松楨即鍾藤也葉大晉安人以為盤

侯騷蔓生子如雞卵既甘且冷輕身消酒廣志言因王  
太僕所獻

螽蟚蛄子如彈丸魏武帝常啖之

酒杯藤大如臂花堅可酌酒實大如指食之消酒

白柰出涼州野豬澤大如兔頭

菩提樹出摩伽陀國在摩訶菩提寺蓋釋迦如來成道  
時樹一名思惟樹莖幹黃白枝葉青翠經冬不凋至  
佛入滅日變色凋落過已還生至此日國王人民大  
作佛事收葉而歸以為瑞也樹高四百尺已下有銀  
塔周迴繞之彼國人四時常焚香散花繞樹作禮唐  
貞觀中頻遣使往於寺設供并施袈裟至顯慶五年

於寺立碑以紀聖德此樹梵名有二一曰賓撥梨曰一

梨力义二曰阿濕曷咤婆一曰力义西域記謂之卑

鉢羅以佛於其下成道即以道為稱故號菩提婆曰一

婆力义漢翻為樹昔中天無憂王剪伐之令事火婆

羅門積薪焚焉熾焰中忽生兩樹無憂王因懺悔號

灰菩提樹遂周以石垣至賞設迦至一曰復掘之至

泉其根不絕坑火焚之溉以甘蔗汁欲其焦爛後摩

竭阇國滿曹王無憂之曾孫也乃以千牛乳澆之信



宿樹生故舊更增石垣高二丈四尺玄奘至西域見  
樹出垣上二丈餘

貝多出摩伽陀國長六七丈經冬不凋此樹有三種一

者多羅娑

一日娑

力义貝多二者多梨娑

一日娑

力义貝

多三者部婆

一日娑

力义多羅梨

一日多梨貝多

並書其葉部

闍一色取其皮書之貝多是梵語漢翻為葉貝多婆

一日娑力义者漢言葉樹也西域經書用此三種皮葉

若能保護亦得五六百年

嵩山記稱嵩高等中有思惟樹即貝多也

釋氏有貝多樹下思惟經顧徽廣州記稱貝多葉似枇杷並謬

交趾近出貝多枝彈材中第一

龍腦香樹出婆利國婆利呼為固不婆律亦出波斯國樹高八九丈大可六七圍葉圓而背白無花實其樹有肥有瘦瘦者有婆律膏香一日瘦者出龍腦香肥者出婆律膏也在木心中斷其樹劈取之膏於樹端

流出斫樹作坎而承之入藥用別有法

安息香樹出波斯國波斯呼為辟邪樹長三丈皮色黃  
黑葉有四角經寒不凋二月開花黃色花心微碧不  
結實刻其樹皮其膠如飴名安息香六七月堅凝乃  
取之燒通神明辟衆惡

無石子出波斯國波斯呼為摩賊樹長六七丈圍八九  
尺葉似桃葉而長三月開花白色花心微紅子圓如  
彈丸初青熟乃黃白蟲食成孔者正熟皮無孔者入

藥用其樹一年生無石子一年生跋屨子大如指長  
三寸上有殼中仁如栗黃可噉

紫針樹出真臘國真臘國呼為勒佉亦出波斯國樹長  
一丈枝條鬱茂葉似橘經冬不凋三月開花白色不  
結子天大霧露及雨沾濡其樹枝條即出紫針波斯  
國使烏海及沙利深所說並同真臘國使折衝都尉  
沙門施沙尼拔陟言蟻運土於樹端作窠蟻壤得雨  
露凝結而成紫針崑崙國者善波斯國者次之

阿魏出伽闍那國即北天竺也伽闍那呼為形虞亦出波斯國波斯國呼為阿虞截樹長八九丈皮色青黃三月生葉葉似鼠耳無花實斷其枝汁出如飴久乃堅凝名阿魏拂林國僧轡所說同摩伽陀國僧提婆言取其汁和米豆屑合成阿魏

婆那婆樹出波斯國亦出拂林呼為阿部鞞樹長五六丈皮色青綠葉極光淨冬夏不凋無花結實其實從樹莖出大如冬瓜有殼裹之殼上有刺瓢至甘甜可

食核大如棗一實有數百枚核中仁如栗黃炒食甚美

波斯棗出波斯國波斯國呼為窟莽樹長三四丈圍五六尺葉似土藤不凋二月生花狀如蕉花有兩甲漸漸開罅中有十餘房子長二寸黃白色有核熟則子黑狀類乾棗味甘如飴可食

偏桃出波斯國波斯國呼為婆淡樹長五六丈圍四五尺葉似桃而濶大三月開花白色花落結實狀如桃

子而形偏故謂之偏桃其肉苦澁不可噉核中仁甘甜西域諸國並珍之

槃柰穠樹出波斯國亦出拂林國拂林呼為羣漢樹長三丈圍四五尺葉似細榕經寒不凋花似橘白色子綠大如酸棗其味甜膩可食西域人壓為油以塗身可去風痒

齊暾樹出波斯國亦出拂林國拂林呼為齊廬

音湯兮反樹

長二三丈皮青白花似柚極芳香子似楊桃五月熟

西域人壓為油以煮餅菓如中國之用巨勝也

胡椒出摩伽陀國呼為昧履支其苗蔓生極柔弱葉長寸半有細條與葉齊條上結子兩兩相對其葉晨開暮合合則裹其子於葉中形似漢椒至辛辣六月採今人作胡盤肉食皆用之

白荳蔻出伽古羅國呼為多骨形如芭蕉葉似杜若長八九尺冬夏不凋花淺黃色子作朶如蒲萄其子初出微青熟則變白七月採



葦撥出摩伽陀國呼為葦撥梨拂林國呼為阿梨訶咤  
苗長三四尺莖細如箸葉似戢葉子似桑椹八月採  
醋齊出波斯國拂林呼為預勃梨咤長一丈餘圍一尺  
許皮色青薄而極光淨葉似阿魏每三葉生於條端  
無花實西域人常八月伐之至臘月更抽新條極滋  
茂若不剪除反枯死七月斷其枝有黃汁其狀如蜜  
微有香氣入藥療病

波斯皂莢出波斯國呼為忽野簷默拂林呼為阿梨去

伐樹長三四丈圍四五尺葉似枸櫞而短小經寒不凋不花而實其莢長二尺中有隔隔內各有一子大如指頭赤色至堅硬中黑如墨甜如飴可噉亦入藥用

沒樹出波斯國拂林呼為阿撻長一丈許皮青白色葉似槐葉而長花似橘花而大子黑色大如山茱萸其味酸甜可食

阿勃參出拂林國長一丈餘皮色青白葉細兩兩相對

金定四庫全書  
卷十八  
花似蔓菁正黃子似胡椒赤色斫其枝汁如油以塗  
疥癬無不瘥者其油極貴價重於金

柎祗出拂林國苗長三四尺根大如鴨卵葉似蒜葉中  
心抽條甚長莖端有花六出紅白色花心黃赤不結  
子其草冬生夏死與薺麥相類取其花壓以為油塗  
身除風氣拂林國王及國內貴人皆用之

野悉蜜出拂林國亦出波斯國苗長七八尺葉似梅葉  
四時敷榮其花五出白色不結子花若開時遍野皆

香與嶺南詹糖相類西域人常採其花壓以為油甚香滑

阿驛波斯國呼為阿駟拂林呼為底珍樹長丈四五枝葉繁茂葉有五出似桫欏無花而實實赤色類桫欏子味似甘柿一月一熟

酉陽雜俎卷十八

欽定四庫全書薈要卷一萬一千二百三十五

子部

酉陽雜俎卷十九

唐 段成式 撰

廣動植類之四

草篇

芝天寶初臨川郡人李嘉胤所居柱上生芝草形類天尊太守張景佚截柱獻之

大歷八年廬江縣紫芝生高一丈五尺芝類至多參

成芝斷而可續 夜光芝一株九實實墜地如七寸  
鏡視如牛目茅君種於句曲山 隱辰芝狀如斗以  
屋為節以莖為剛

仙經言穿地六尺以鑲實一枚種之灌以黃水五合以  
土堅築之三年生苗如匏刻一曰實如桃五色名鳳腦

芝食其實唾地為鳳乘升太極 白符芝大雪而華

五德芝如車馬 菌芝如樓 凡學道三十年不

倦天下金翅鳥銜芝至 羅門山食生一曰石芝得地

仙

蓮石蓮入水必沉唯煎鹽鹹鹵能浮之鴈食之糞落山石間百年不壞相傳椽子落水為蓮

苔慈恩寺唐三藏院後簷階開成末有苔狀如苦苣初於塼上色如鹽綠輕嫩可愛談論僧義林太和初改奠基法師初開塚香氣襲人側卧塼臺上形如生塼上苔厚二寸餘作金色氣如藝檀

瓦松崔融瓦松賦序曰崇文館瓦松者產於屋雷之下



謂之木也訪山客而未詳謂之草也驗農皇而罕記  
賦云煌煌特秀狀金芝之產雷歷歷虛懸若星榆之  
種天葩條郁毓根抵連拳間紫苔而裛露凌碧瓦而  
含煙又曰慚魏宮之烏韭恧漢殿之紅蓮崔公學博  
無不該悉豈不知瓦松已有著說乎

博邪在屋曰昔耶在牆曰垣衣廣志謂之蘭香生於久  
屋之瓦魏明帝好之命長安西載箕瓦於洛陽以覆  
屋前代詞人詩中多用昔耶梁簡文帝詠薔薇曰緣

階覆碧綺依簷映昔耶或言構木上多松栽土木氣  
洩則瓦生松 大厯中修含元殿有一人投狀請瓦  
且言瓦工唯我所能祖父已嘗瓦此殿矣衆工不服  
因曰若有能瓦畢不生瓦松衆方服焉又有李阿黑  
者亦能治屋布瓦如齒間不通綆亦無瓦松本草瓦  
衣謂之屋遊

瓜惡香香中尤忌麝鄭注太和初赴職河中姬妾百餘  
盡騎香氣數里逆於人鼻是歲自京至河中所過路

瓜盡死一蒂不獲

芟今人但言菱芟諸解草木書亦不分別唯王安貧武陵記言四角三角曰芟兩角曰菱今蘇州折腰菱多兩脚成式曾於荊州有僧遺一斗郢城菱三角而無傷刺一日可以節按一日莎 芟一名水栗一名薢茳

漢武昆明池中有浮根菱根出水上葉淪沒波下亦曰青水芟玄都有菱碧色狀如雞飛名翻雞芟仙人鳧伯子常採之

兔絲子多近棘及藿山居者疑二草之氣類也

天名精一曰鹿活草昔青州劉慥宋元嘉中射一鹿剖  
五藏以此草塞之蹶然而起慥怪而拔草復倒如此  
三度慥密錄此草種之多主傷折俗呼為劉慥草

牡丹前史中無說處唯謝康樂集中言竹間水際多牡  
丹成式檢隋朝種植法七十卷中初不記說牡丹則  
知隋朝花藥中所無也開元末裴士淹為郎官奉使  
幽冀迴至汾州衆香寺得白牡丹一窠植於長安私

第天寶中為都下奇賞當時明公有裴給事宅看牡丹時時尋訪未獲一本有詩云長安年少惜春殘爭認慈恩紫牡丹別有玉盤承露冷無人起就月中看太常博士張乘嘗見裴通祭酒說又房相有言牡丹之會瑄不預焉至德中馬僕射鎮太原又得紅紫二色者移於城中元和初猶少今與戎葵角多少矣韓愈侍郎有疎從子姪自江淮來年甚少韓令學院中伴子弟子弟悉為凌辱韓知之遂為街西假僧院

令讀書經旬寺主網復訴其狂率韓遽令歸且責曰  
市肆賤類營衣食尚有一事長處汝所為如此竟作  
何物姪拜謝徐曰某有一藝恨叔不知因指階前牡  
丹曰叔要此花青紫黃赤唯命也韓大奇之遂給所  
須試之乃豎箔曲尺遮牡丹叢不令人窺掘窠四面  
深及其根寬容人座唯賁紫鑛輕粉朱紅旦暮治其  
根凡七日乃填坑白其叔曰恨校遲一月時冬初也  
牡丹本紫及花發色白紅厯綠每朵有一聯詩字色

紫分明乃是韓出官時詩一韻曰雲橫秦嶺家何在雪  
擁藍關馬不前十四字韓大驚異姪且辭歸江淮竟不  
願仕興唐寺有牡丹一窠元和中着花一千二百朵  
其色有正暈倒暈淺紅淺紫深紫黃白檀等獨無深紅  
又有花葉中無抹心者重臺花者其花面徑七八寸  
興善寺素師院牡丹色絕佳元和末一枝花合歡

金燈一曰九形花葉不相見俗惡人家種之一名無義草  
合離根如芋魁有游子十二環之相須而生而實不連以

氣相屬一名獨搖一名離母言若土人所食者合呼  
為赤箭

蜀葵可以緝為布枯時燒作灰藏火火久不滅花有重  
臺者

茄子茄字本蓮莖名革遐反今呼伽未知所自成式因  
就節下食有伽子數蒂偶問工部員外郎張周封伽  
子故事張云一名落蘇事具食療本草此誤作食療  
本草元出拾遺本草成式記得隱侯行園詩云寒瓜



方卧瓏秋菰正滿陂紫茄紛爛漫綠芋鬱參差又一  
名崑崙瓜嶺南茄子宿根成樹高五六尺姚向曾為  
南選使親見之故本草記廣州有慎火樹樹大三四  
圍慎火即景天也俗呼為護火草 茄子熟者食之  
厚腸胃動氣發疾根能治竈瘡欲其子繁待其花時  
取葉布於過路以灰規之人踐之子必繁也俗謂之  
嫁茄子僧人多灸之甚美有新羅種者色稍白形如  
雞卵西明寺僧造玄一曰院中有其種 水經云石

頭西對蔡浦浦長百里有大荻浦下有茄子浦

異菌開成元年春成式脩竹里私第書齋前有枯紫荆  
數枝蠹折因伐之餘尺許至三年秋枯根上生一菌

大如斗下布五足頂黃白兩暈綠垂裙如鵝鞞

鞞一曰

高尺餘至午色變黑而死焚之氣如麻香成式嘗置  
香爐於枿臺每念經門生以為善徵後覽諸志怪南  
齊吳郡褚思莊素奉釋氏眠於渠下短柱是枿木去  
地四尺餘有節永明中忽有一物如芝生於節上黃

色鮮明漸漸長數尺數日遂成千佛狀面目爪指及  
光相衣服莫不完具如金鑠隱起摩之殊軟常以春  
末生秋末落落時佛形如故但色褐耳至落時其家  
貯之箱中積五年思莊不復住其下亦無他顯盛闔  
門壽考思莊父終九十七兄年七十健如壯年

又梁簡文延香園大同十年竹林吐一芝長八寸頭蓋

似雞頭實黑色其柄似藕柄內通幹空

一曰柄  
幹通空

皮質

皆純白根下微紅雞頭實處似竹節脫之又得脫也

自節處別生一重如結網羅四面同

周

一曰可五六寸

圓繞周匝以罩柄上相遠不相着也其似結網衆目輕巧可愛其柄又得脫也驗仙書與威喜芝相類

舞草出雅州獨莖三葉葉如決明一葉在莖端兩葉居莖之半相對人或近之歌及抵掌謳曲必動葉如舞也

護門草常山北草名護門寘諸門上夜有人物一曰過輒叱之

仙人條出衡岳無根蒂生石上狀如同心帶三股色綠  
亦不常有

睡蓮南海有睡蓮夜則花低入水屯田韋郎中從事南  
海親見

蔓金苔晉時外國獻蔓金苔紫聚之如雞卵投水中蔓  
延波上光泛鑠日如火亦曰夜明苔

異蒿田在實布之子也太和中嘗過蔡州北路側有草  
如蒿莖大如指其端聚葉似鷦鷯巢在顛折視之葉

中有小鼠數十纔若皂莢子目猶未開啾啾有聲

蜜草北天竺國出蜜草蔓生大葉秋冬不死因重霜露  
遂成蜜如塞上蓬鹽

老鴟瓜籬葉如牛蒡而美子熟時色黑狀如瓜籬

鴨舌草生水中似蓴俗呼為鴨舌草

胡蔓草生邕容間叢生花偏如支子稍大不成朶色黃  
白葉稍黑誤食之數日卒飲白鵝鴨血則解或以一  
物投之祝曰我買你食之立死

銅匙草生水中葉如剪刀

水耐冬此草經冬在水不死成式於城南村墅池中有之

天芋生終南山中葉如荷而厚

水韭生於水湄狀如韭而葉細長可食

地錢葉圓莖細有蔓生溪澗邊一曰積雪草亦曰連錢草

虺蜉酒草一曰鼠耳象形也亦曰尤心草

盆甌草 p 牽牛子也結實後斷之狀如盆甌其中有子  
似龜蔓如薯蕷

蔓胡桃出南詔大如扁螺兩隔味如胡桃或言蠻中藤  
子也

油點草葉似荇蓬每葉上有黑點相對

三白草此草初生不白入夏葉端方白農人候之蒔田  
三葉白草畢秀矣其葉似薯蕷

落迴 一曰博落迴 有大毒生江淮山谷中莖葉如麻莖中空



吹作聲如勃邏迴因名之

蒟蒻根大如椀至秋葉滴露隨滴生苗

鬼皂莢生江南地澤如皂莢高一二尺沐之長髮葉亦去衣垢

通脫木如蟬麻生山側花上粉主治惡瘡心空中有瓢輕白可愛女工取以飾物

毗尸沙花一名日中金錢花本出外國梁大同元年進來中土

左行草使人無情范陽長貢

青草槐龍陽縣禪牛山南有青草槐叢生高尺餘花若  
金燈仲夏發花一本云迄千秋

竹肉江淮有竹肉生竹節上如彈丸味如白雞皆向北  
有大樹雞如梧捲呼為胡孫眼

廬山有石耳性熱

野狐絲庭有草蔓生色白花微紅大如栗秦人呼為狐  
絲

金錢花一云本出外國梁大同二年進來中土梁時荊州掾屬雙陸賭金錢錢盡以金錢花相足魚弘謂得花勝得錢

荷漢明帝時池中有分枝荷一莖四

一曰兩

葉狀如駢蓋

子如玄珠可以飾珮也 靈帝時有夜舒荷一莖四

蓮其葉夜舒晝卷

夢草漢武時異國所獻似蒲晝縮入地夜若抽萌懷其草自知夢之好惡帝思李夫人懷之輒夢

烏蓬葉如鳥翅俗呼為仙人花

雀芋狀如雀頭置乾地反濕置濕處復乾飛鳥觸之墮  
走獸遇之僵

望舒草出扶支國草紅色葉如蓮葉月出則舒月沒則  
卷

紅草山戎之北有草莖長一丈葉如車輪色如朝虹齊  
桓時山戎獻其種乃植於庭以表霸者之瑞

神草魏明時苑中合歡草狀如蓍一株百莖晝則衆條

扶疎夜乃合一莖謂之神草

三蔬晉時有芳蔬園在墉

一曰金墉

之東有菜名芸薇類有

三種紫色為上蔬味辛黃色為中蔬味甘青者為下  
蔬味鹹常以三蔬充御菜可以藉食

掌中芥末多國出也取其子置掌中吹之一吹一長長  
三尺乃植於地

水網藻漢武昆明池中有水網藻枝橫側水上長八九  
尺有似網目鳧鴨入此草中皆不得出因名之

地日草南方有地日草三足鳥欲下食此草羲和之馭  
以手掩鳥目食此則美悶不復動 東方朔言為小  
兒時井陷墜至地下數十年無所寄託有人引之令  
往此草中隔紅泉不得渡其人以一隻履因乘泛紅  
泉得至草處食之

挾劒豆樂浪東有融澤澤中生豆莢形似人挾劒橫斜  
而生

牧靡建寧郡烏句山南五百里牧靡草可以解毒百卉

方盛烏鵲誤食烏喙中毒必急飛牧靡上啄牧靡以  
解也

酉陽雜俎卷十九

欽定四庫全書薈要卷一萬一千二百三十六

子部

酉陽雜俎卷二十

唐 段成式 撰

肉攫部

取鷹法七月二十日為上時內地者多塞外者殊少八  
月上旬為次時八月下旬為下時塞外鷹畢至矣  
鷹網目方一寸八分縱八十目橫五十目以黃蘗和  
杼汁染之令與地色相類螽蟴好食網以蘗防之



有網竿 都杙 吳公 磔竿二 一為鴉竿一為  
鵠竿 鵠飛能遠 察見鷹常在人前 若竦身動盼則隨  
其所視候之

取木雞木雀鷄網目方二寸縱三十目橫十八目

凡鷲鳥雛生而有慧 出殼之後即於窠外放巢 大鷲恐  
其墜墮及為日所曝熱 暍致損 乃取帶葉樹枝插其  
巢畔 防其墜墮 及作陰涼也 欲驗雛之大小 以所插  
之葉為候 若一日二日 其葉雖萎而尚帶青色 至六

七日其葉微黃十日後枯瘁此時雛漸大可取

凡禽獸必藏匿形影同於物類也是以蛇色逐地茅兔  
必赤鷹色隨樹

鷹巢一名葦鷹呼葦子者雛鷹也鷹四月一日停放五  
月上旬拔毛入籠拔毛先從頭起必於平旦過頂至  
伏鶉則止從頸下過颺毛至尾則止尾根下毛名颺  
毛其背毛并兩翅大翎覆翮及尾毛十二根等并拔  
之兩翅大毛合四十四枝覆翮翎亦四十四枝八月

中甸出籠

鵬角鷹等三月一日停放四月上旬置籠

鵠北回鷹過盡停放四月上旬入籠不拔毛

鵠五月上旬停放六月上旬拔毛入籠

凡鷲擊等一變為鵠二變為鵠轉鵠三變為正鵠自此  
已後至累變皆為正鵠

白鵠觜爪白者從一變為鵠至累變其白色一定更不  
改易若觜爪黑者臆前縱理翎毛斑節微微有黃色

者一變為鵯則兩翅封上及兩脰之毛間似紫白其餘白色不改

齊王高緯武平六年得幽州行臺僕射河東潘子光所送白鵯合身如雪色眎臆前微微有縱白斑之理理色曖昧如繡紫本之色微帶青白向末漸烏其爪亦同於紫蠟脰並作黃白赤是為上品黃麻色一變為鵯其色不甚改易惟臆前縱斑漸濶而短鵯轉出後乃至累變背上微加青色臆前縱理轉就短細漸加

膝上鮮白此為次青麻色其變色一同黃麻之鵠此為下品 又有羅烏鵠羅麻鵠鵠一曰鵠

白兔鷹嘴爪白者從一變為鵠乃至累變其白色一定更不改易嘴爪黑而微帶青白色臆前縱理及翎尾斑節微有黃色者一變背上翅尾微為灰色臆前縱理變為橫理變色微漠若無胫間仍白至於鵠轉已後其灰色微褐而漸漸向白其嘴爪極黑體上黃鵠斑色微深者一變為青白鵠鵠轉之後乃至累變臆

前橫理轉細則漸為鶺鴒色也

齊王高洋天保三年獲白兔鷹一聯不知所得之處合身毛羽如雪目色紫爪之本白向末為淺鳥之色曰

目赤色紫爪蠟脰並黃當時號為金脚之本色白

又高帝一曰高齊武平初領軍將軍趙野獻白兔鷹一聯

頭及頂遙看悉白近邊熟視乃有紫跡在毛心其背上以白地紫跡點其毛心紫外有白赤周繞白色之外以黑為緣翅毛亦以白為地紫色節之臆前以白

為地微微有纁赤從理眼黃如真金觚本之色微白  
向末漸烏蠟作淺黃色脰指之色亦黃爪與觚同

散花白觚爪黑而微帶青白色者一變為紫理白鵯鵯  
轉以後乃至累變橫理轉細臆前紫漸滅成白其觚  
爪極黑者一變為青白鵯鵯轉之後乃至累變橫理  
轉細臆前漸作灰白色

赤色一變為鵯其色帶黑鵯轉已後乃至累變橫理轉  
細臆前微微漸白其背色不改此上色也

白唐一變為青鵯而微帶灰色鵯轉之後乃至累變橫理轉細臆前微微漸白

鸚爛堆

一曰雌又曰雄

黃一變之鵯色如鶯鵯轉之後乃至

累變橫理轉細臆前漸漸微白

黃色一變之後乃至累變其色似於鶯鵯而色微深大  
沉鸚爛雄黃變色同也

青斑一變為青父鵯鵯轉之後乃至累變橫理轉細臆  
前微微漸白此次色也



白唐唐者黑色也謂斑上有黑色一變為青白鵯雜帶  
黑色鵯轉之後乃至累變橫理轉細臆前漸漸微白  
赤斑唐謂斑上有黑色也一變為鵯其色多黑鵯轉之  
後乃至累變橫理轉細臆前黑雖漸褐世人仍名為  
黑鵯

青斑唐謂斑上有黑色也一變為鵯其色帶青黑鵯轉  
之後乃至累變橫理雖細臆前之色仍常暗黯此下  
色也

鷹之雌雄唯以大小為異其餘形像本無分別雉鷹雖小而是雄鷹羽毛雜色從初及變既同兔鷹更無別述雉鷹一歲臆前縱理濶者世名為鵠斑至後變為鵠鵠之時其臆縱理變作橫理然猶濶大若臆前縱理本細者後變為鵠鵠之時臆前橫理亦細

荆窠白者短身而大五斤有餘便鳥而快一名沙裏白生代北沙漠裏荆窠上向鴈門馬邑飛

代都赤者紫背黑鬚白睛白毛三斤半已上四斤已下

便兔生代川赤巖裏向虛丘中山白嶠飛

漠北白者身長且大五斤有餘細斑短脰鷹內之最生  
沙漠之北不知遠近向代川中山飛一名西道白

房山白者紫背細斑三斤已上四斤已下便兔生代  
東房山白楊椶樹上向范陽中山飛

漁陽白腹背俱白大者五斤便兔生徐無及東西曲一  
名大曲小曲白葉樹上生向章武合口博海飛

東道白腹背俱白大者六斤餘鷹內之最大生盧龍和

龍以北不知遠近向渙休巨黑

一曰里

章武合口光州

一曰川飛雖稍軟若值快者越於前鷹土黃所在山谷

皆有生柞櫟樹上或大或小

黑皂鷗大者五斤生漁陽山松杉樹上多死時有快者  
章武飛 白皂鷗大者五斤生漁陽白道河陽漠北  
所在皆有生柏枯樹上便鳥向靈丘中山范陽章武  
飛 青斑大者四斤生代北及代川白楊樹上細斑  
者快向靈丘山范陽飛

鵠鷹荏子青黑者快蛻淨眼明是未嘗養雛尤快若目  
多眵蛻不淨者已養雛矣不任用多死又條頭無花  
雖遠而聚或條出句然作聲短命之候口內赤反掌  
熱隔衣蒸人長命之候疊尾振捲打格隻立理面毛  
藏頭睡長命之候也

凡鷲鳥飛尤忌錯喉病入义十無一活汙在咽喉骨前  
皮裏缺盆骨內膝之下


吸筒以銀鐐為之大如角鷹翅管鷹已下筒大小准其

翅管

凡夜條不過五條數者短命條如赤小豈汁與白相和者死

凡網損 擺傷 兔蹋傷 鶴兵爪皆為病

酉陽雜俎卷二十



總校官庶吉士臣侍朝

校對官檢討臣盧應

騰錄監生臣姜澍